

Powšitkowne WOZJEWJENJA

njedźelu, 1. decembra 2019

Swjedzeń Marije bjezhrěšneho podjeća a modlerske hodžiny w Róžeńće

Boža mša k wysokemu swjedženjej Marije bjezhrěšneho podjeća w Róžeńće budže pónđzelu, 9. decembra, w 9 hodž. Dokaž padnje poprawny termin swjateho dnja lětsa na njedźelu, swjeći jón cyrkej džen tym. Modlerske hodžiny w hnadownej cyrkwi pak budu njedźelu, 8. decembra. Božej mši w 10.30 hodž. přizamknje so modlenje před Najswjećišim – wot 11.30 hodž. do 12.00 hodž. za młode swójby z dźěćimi, wot 12.00 hodž. do 13.00 hodž. za muži a młodostnych a wot 13.00 hodž. za žony a młodostnych. W 14.00 hodž. budže zakónčacy nyšpor z eucharistiskim požohnowanjom. Wšitcy su wutrobnje přeprašeni.

Adwentny hudźbny nyšpor w Njebjelčicach

Prěnju adwentnu njedźelu, 1. decembra, w 14 hodž. wotměje so hudźbny nyšpor w Njebjelčanskej cyrkwi. Wón ma rozpominanju a dušinemu wusměrjenju na hody služić. Program wuhotuje Njebjelčanski cyrkwiniski chór pod nawodom Krystofa Mikławška.

Voxaccord koncertuje za Chróšćansku cyrkej

Dwanaće muži ansambla Voxaccord z Drježdźan zanjese tutu njedźelu, 1. decembra, w 16 hodž. w Chróšćanskej cyrkwi motety znatych komponistow a woblubowane adwentne spěwy. Zastup je darmotny. Při durjach budže zběrka k narunanju wudawkow a ponowjenja wjerškow dweju małejow cyrkwyje.

Duchowna hudźba k přenjemu adwentej

W Budyskej cyrkwi Našeje lubeje knjenje zaklinči njedźelu, 1. decembra, w 18 hodž. duchowna hudźba z tekstami k přenjemu adwentej. Nyšpor wuhotuja člonjo wosady.

Na adwentničku do Ralbic!

Adwentnička serbskich młodostnych je lětsa njedźelu, 8. decembra, w Ralbicach. Započatk je w 14 hodž. z nyšporom w cyrkwi, kotryž wuhotuje chór 1. serbskeje kulturneje brigady. Po nyšporje zetkamy so na „Radlubinje“ k zhromadnej swačini, hraću hrow a kartow kaž tež k bjesadze. Štóž chce, njech přinjese swójsku hru sobu.

Adwentne wiki w Klóštrje

Adwentne wiki w klóštrje Marijinej hwězdze w Pančicach-Kukowje wotměja so pjatk a sobotu, 6. a 7. decembra, stajnje wot 13 do 18 hodž. Na nich změja mjez druhim někotrežkuli chlěšćenki a wudžělki z rukow rjadnicow kaž tež z džěłarnje zbrašenych. Nimo toho poskića tam rybu a mjaso z klóšterskich hatow a lěsow, ale tež hodowne štomy. Sobotu popođnju su džěći na adwentne paslenje přeprašene. W 17.30 hodž. budže krótki dujerski koncert. Runočasnje wotměje so sobotu, 7. decembra, w Domje swjateho Michała w Pančicach-Kukowje džen wotewrjownych duri. Tež tam změja adwentne wiki.

Paslenje hodownych darikow

Dekanatne dušepastyrstwo za džěci přeprašuje šulerki a šulerjow 6. do 8. lětnika na paslenje hodownych darikow, kotraž wotměje so sobotu, 14. decembra, wot 9 do 14 hodź. we Worklečanskim Don Boskowym domje. Zajimcy njech so prošu hač do wutory, 10. decembra, pod telefonowym čisłom (03 57 96) 88 707 abo z mailku pod worklecy-kise@gmx.de přizjewja. Za wudawki zběra so na wobdźělnika přinošk we wysokosci džesać eurow.

Spěwny wječor za dobry skutk

Jasčan Florian Rynč a muski kwartet PoŠtyrjoch přeprašujetaj na mjeztym džewjaty dohodowny beneficny koncert do Rynčec bróžnje w Jaseńcy, čisło 8, kotryž zahaji so sobotu, 7. decembra, w 19.45 hodź. Wopytowarjow wočakuje wotměnjawy program. Lětuši hósć wječorka budže Drježdžanski muski kwartet „Die Harmonischen“. Nimo toho zaklinča znate adwentne, lóštne a zabawne spěwy skupiny PoŠtyrjoch. Wunošk ze zběrki, z předawanja napojow a jědže přewostaja Chróšćanskej a Worklečanskej wohnjowej woborje za přenju pomoc na městnje. Koncertej přizamknjetej so spěwny wječor a zabawa.

Młodžina na pasionske hry do Oberammergauwa!

Wutrobnje přeprašamy was na jězbu serbskich młodostnych na swětoznate pasionske předstajenje do Oberammergauwa (blisko Mnichowa) wot pjatka do njedźele, 8. do 10. meje 2020. Wotjědźemy pjatk nawječor. Jónkrótnje poskića tam młodostnym ze wšeho swěta, sej tamnišu generalku wobhladać. Z tym maja młodostni wot 16 do 26 lět móžnosć, zastupny lisćik, kotryž hewak znajmjeńša 150 eurow płaći, za 24 eurow dóstać. Po předstajenju změja samo składnosć, so z džiwadźelnikami rozmołwjeć. Nimo toho postaraja so Oberammergaučenjo wo kwartěry a zastaranje za přihódnu płaćiznu. Zastup, zastaranje a nóclěh budže něhdže 60 eurow płaćić. K tomu přińdu kóšty za transfer. - Tale jězba by móhła tež hodowny dar młodostnemu być. Nadrobniše informacije su pod www.jugendtage-passionsspiele.de wozjewjene. Přizjewjenja přijimuju so hač do srjedy, 11. decembra, we Worklečanskim dekanatnym młodžinskim dušepastyrstwje přez mailowu adresu don.boskowy-dom@t-online.de. Městna su wobmjezowane.

Putnikowanje do Krupki

Termin za putnikowanje serbskich młodostnych klětu do Krupki je nětko tež jasny. Budže to wot njedźele do pjatka, 9. do 14. awgusta 2020.

Adwentny kalender k rozpominanju

Drježdžansko-Mišnjanske biskopstwo wozjewi znowa w interneće adwentny kalender. Na stronje www.bistum-dresden-meissen.de/adventskalender nańdu zajimcy wot 1. decembra hač do hód, 25. decembra, wšědnje druhi tekst a foto k rozpominanju.